

潮州府志

卷二十四

乾隆壬午重修

潮州府知府周碩勳輯

學校

三代教化之宮總名爲學習射上功習鄉上齒
月吉讀法攷其德行道藝論秀而升之其制尙
矣漢文翁化蜀韓延壽教潁川寇恂之守汝南
鮑德之守南陽莫不以修黌宮教生徒爲兢兢
教化之成成以是也吏績之循循以是也

聖朝雅化作人郡縣有學制崇儀備頌宮璧水環相

屬焉潮稱鄒魯日陳鐘鼓琴瑟與之升降揖讓

風氣所由日上歟而書院義學附焉志學校

本府 學宮在郡東北隅相傳舊在西郊宋咸平中徙城南慶歷間建於東岡之湄元祐四年遷湖山之麓則鴈塢芙蓉池遺址存焉七年又徙州治之東南隅建炎二年卽神霄宮爲學宮紹興八年燬於兵其地皆無可考十一年知軍州事徐璋乃卜於州治之東北凡五遷而始定卽今地也二十一年知軍州事章元振建經書閣及講堂淳熙十六年知軍州事丁允元創六齋慶元四年知軍州事林鏐增置二齋景炎二年再燬元至元二十一年

總管丁聚建講堂齋舍泰定初教授何民先修之
石柱三十條則闢望蔡景所捐也至順三年總管
王元恭甃石爲泮池教授鄭暉易櫺星門以石明
因之正統三年重修大成殿及兩廡知府王源始
命樂工習雅樂天順七年知府陳瑄重修明倫堂
及東西四齋宏治六年知府周鵬置學前地建舖
八十間嘉靖九年知府邱其仁建敬一亭闢櫺星
門外舖地而廣之今俱隱占無存矣十五年知府
鄭宗古重建明倫堂四齋二十六年知府郭春震
又葺之三十二年颶風壞戟門知府陳敘重修三

十四年知府黎遵訓重立臥碑三十六年知府陸
佐修飭頽壞重拓射圃廟堂門廡萬歷十三年知
府郭子章重建明倫堂及兩廡十五年兵備道虞
仲佃以明倫堂後觀頤堂爲養賢堂移建尊經閣
於聖廟之右并重建廟庭天啓間知府樊王家崇
正間知府劉柱國先後重修 國朝順治初知府
黃廷猷吳穎相繼修葺十八年饒鎮總兵官吳六
奇重建明倫堂及門廡名宦鄉賢祠康熙十八年
知府林杭學二十八年知府石文晟三十三年知
府李鍾麟植松栢四十一年知府梁文煊相繼重

修雍正元年知府張自謙置造樂器七年知府胡
恂重修兩廡及崇聖祠明倫堂乾隆二十七年知
府周碩勳奉 大方伯史公奕昂補造樂器聘樂
長教諸生雅樂重修崇聖祠兩廡及名宦鄉賢兩
祠

海陽縣 學宮舊在府治西偏附郡學右宋紹興中

縣令陳坦遷製錦方紹定間知軍州事孫叔謹縣
令張煥增修景炎三年燬元代遂不復建明洪武
二年通判張傑始建學永樂間叅政鄭阜義重建
大成殿兩廡宣德八年御史丁寧重修兩廡戟門

櫺星門正統元年知府王源以官地易民居而廣之徙櫺星門外臨於街內鑿泮池甃以石嗣經知縣任衡建明倫堂並興賢育才二齋天順八年知府陳瑄重建大成殿及饌堂易櫺星門柱以石成化九年知府謝光卽饌堂舊址建後堂買學西民地改建饌堂號舍宏治九年知縣饒塘以學西舊驛地增建號舍後廢嘉靖間知府王袍邱其仁重修立啓聖祠於大成殿之左在訓導齋後敎諭陳察復以學校卑窪買民地議高其基建尊經閣未就遷去二十四年同知王貴始闢閣垣而一之三

十五年知府郭春震繕修二十七年知縣褚宗祿
建敬一亭於尊經閣二十六年知縣李奇俊復徙
於明倫堂前二十九年分守道馮臯謨四十二年
署縣事通判揭鴻萬歷二年知縣馮笏俱相繼修
葺九年大成殿壞知府張敷潛知縣徐申重修十
五年明倫堂圯知府勞遜志知縣林繼喬修之增
教諭學舍明年徙啓聖祠於訓導齋地仍以祠地
爲訓導齋天啓間副使周維京重建殿廡崇正間
知府黃日昌教諭黎崇宣重建啓聖祠 國朝順
治間巡道魏執中重修殿廡及櫺星門康熙二十

學僉事趙宏重建兩廡十八年知縣張堅重建戟
門二十三年僉事陳英重修大成殿通判吳璘重
修號舍知縣王鑾作泮池左右拱橋易石欄宏治
十四年布政司周孟中作鄉賢祠正德十二年知
縣宋元翰重修殿廡廡舍十五年僉事朱昂作名
宦祠嘉靖二十四年三十七年知縣蔡明復復修
明倫堂隆慶中知縣黃一龍大修文廟越三年始
成訓導洪彩重建啓聖祠萬歷三十三年知縣王
訓建文昌閣崇正八年知縣漆嘉祉重建鄉賢祠
崇正十一年知縣漆嘉祉改建敬一亭 國朝康

二十八年教諭李文政修兩齋永樂七年僉事雷
昇立鄉貢題名石僉事周伯通知縣周宗賢作混
混泉亭宣德二年主簿李頤教諭嚴節縣丞梁衡
倡紳耆黃叅等重修殿廡門庭上作露臺繚以石
欄四年縣丞廖童作觀德亭於射圃十年知縣劉
源洪作饌堂景泰四年叅政詹冕命同知方述重
建明倫堂兩齋沈聲作文昌祠天順六年叅政劉
煒副使陳濂知縣陳瑄砌泮池作石橋易櫺星門
以石成化十一年僉事陳昭重建大成殿修明倫
堂十二年知縣吳穀重建兩齋及射圃十五年提

學僉事趙宏重建兩廡十八年知縣張堅重建戟
門二十三年僉事陳英重修大成殿通判吳璘重
修號舍知縣王鑾作泮池左右拱橋易石欄宏治
十四年布政司周孟中作鄉賢祠正德十二年知
縣宋元翰重修殿廡廡舍十五年僉事朱昂作名
宦祠嘉靖二十四年三十七年知縣蔡明復復修
明倫堂隆慶中知縣黃一龍大修文廟越三年始
成訓導洪彩重建啓聖祠萬歷三十三年知縣王
訓建文昌閣崇正八年知縣漆嘉祉重建鄉賢祠
崇正十一年知縣漆嘉祉改建敬一亭 國朝康

熙三年二月知縣王渫重修大殿兩廡明倫堂時
明倫堂未竣復遭颶風六年知縣張宏美教諭吳
廷縉續修之康熙十八年知縣徐而泰二十五年
知縣臧憲祖先後重修焉

揭陽縣學宮在縣治東宋紹興十年庚申建淳祐
六年知軍州事陳圭重修景炎三年戊寅燬於兵
元代重建明洪武三年知縣唐宗義訓導金太冲
重修天順七年知縣陳爵以拓其基深一百三十
五丈廣一十九丈八尺嘉靖間主簿季本知縣彭
文質先後重修萬歷二年知縣林大經又修之大

成殿在明倫堂前永樂二十年間知縣徐資用重修正統六年通判劉銘知縣錢貴春廣而新之嘉靖七年主簿季本知縣彭文質萬歷十六年知縣陳時霖先後重修啓聖祠在明倫堂左嘉靖十三年知縣陳位創建名宦鄉賢祠在戟門左右祭器庫在兩廡下明倫堂卽宋遵道堂舊址也洪武三年知縣唐宗義創建宏治七年知縣彭惟芳教諭鄭昇新之而規制益宏嘉靖三年颶風堂壞季本重修進德修業兩齋暨號房一十八間天順七年知縣陳爵建歲久傾圯嘉靖七年季本重新之明

季俱廢饌堂敬一堂尊經閣知縣舒國光知府葉元玉先後創建後亦毀 國朝康熙二十五年知

縣鄭濂捐復尊經閣至今巋然獨存奎星亭萬歷二年教諭周勝宗訓導溫履端姚育秀重修毀於颶風天啓二年教諭姚允莊重修文昌祠萬歷三十一年知縣汪起鳳修乾隆十五年知縣顧彝倡紳士許登庸等重修自大殿戟門兩廡齋廚泮池奎星文昌諸閣石梁華表煥然一新

饒平縣 學宮在縣治東大金山之麓大殿三間明

成化十四年同知邵有良創建明年知縣楊昱成

之正德三年殿圯知縣毛崇重建未就九年知縣
楊維甫成之嘉靖二十五年秋遭颶風敎諭王魯
重新之隆萬間知縣柴喬李士達相繼重修大殿
及左右兩廡名宦鄉賢兩祠天啓三年知縣鄧全
慎崇正八年通判段夔龍署縣事先後重修 國

朝順治十六年饒鎮總兵官吳六奇重建聖殿鑄
洪鐘懸殿左併修名宦鄉賢二祠泮池爲明嘉靖
間知縣羅允凱訓導金大輅所開康熙十三年海
寇之變牆圯池塞二十一年訓導侯世祿修濬之
惠來縣 學宮初自嘉靖五年知縣蔣恩建於縣治

之北十八年爲颶風所摧十九年通判魏一恭諸
燹改建於縣治之東高二丈五尺五寸深三十九
丈九尺闊十九丈六尺大殿後展高阜前朝文峯
崇聖祠舊在射圃後嘉靖三十年知縣林春秀移
建明倫堂後萬歷三十六年知縣游之光移建明
倫堂東殿左右爲東西廡舊名宦鄉賢祠在戟門
之左右知縣游之光以規制逼隘萬歷三十六年
移建於射圃亭大成殿後爲明倫堂左有神廚房
有臥碑有祭器庫嘉靖三十年知縣林春秀建又
有敬一亭尊經閣省牲所等舍而觀海亭在學之

西北地踞城中最高南望巨海天啓四年建爲內
文昌祠至 國朝順治元年南郊文昌閣災移祀
於此

大埔縣 學宮在茶山之麓縣治之西位南面北與
縣治同基深六十丈廣一十有五丈明嘉靖六年
知縣歐淮建十一年知縣方琦建啓聖祠於會講
堂之右二十三年知縣曾廣翰建名宦鄉賢二祠
於啓聖祠之左右歲久傾圯惟存荒址三十二年
知縣章奎割其地以足縣之吏舍三十六年知縣
吳思立復之天啓四年知縣蘇建中重建廟門並